

7. november 2003

UKA 2003/173, 172 & 171

Nioqqutissanik eqqussuinermi akitsuutit pillugit Inatsisartut inatsisaata  
allanngortinneqarneranik Inatsisartut inatsisissaattut siunnersuut  
(UKA 2003/173)

Aningaasanik ikisilluni pinnguaatinut akileraarut pillugu Inatsisartut inatsisaata  
allanngortinneqarneranik Inatsisartut inatsisissaattut siunnersuut  
(UKA 2003/172)

Qamutit motorillit akileraarutaat pillugit Inatsisartut inatsisaata  
allanngortinneqarneranik Inatsisartut inatsisissaattut siunnersuut  
(UKA 2003/171)

pillugit

**Inatsisartut Akileraartarnermut Akitsuusiisarnermullu Ataatsimiititaliaata  
aamma  
Inatsisartut Aningaasaqarnermut Ataatsimiititaliaata**

## **ISUMALIUTISSIISSUTAAT**

Siunnersuutit aappassaaneernejarneranni saqqummiunneqartoq

Inatsisartut Akileraartarnermut Akitsuusiisarnermullu Ataatsimiititaliaat  
ataatsimiititaliami suliarinninnermi ukuninnga inuttaqarpoq:

Inatsisartuni ilaasortaq Isak Davidsen (Siumut), siulittaasoq  
Inatsisartuni ilaasortaq Agathe Fontain (Inuit Ataqtigiit), siulittaasup tullia  
Inatsisartuni ilaasortaq Jensine Bertelsen (Atassut)  
Inatsisartuni ilaasortaq Palle Christiansen (Demokraatit) – sinnisussaq  
Inatsisartuni ilaasortaq Ole Thorleifsen (Siumut)

Inatsisartut Aningaasaqarnermut Ataatsimiititaliaat ataatsimiititaliami suliarinninnermi ukuninnga inuttaqarpoq:

Inatsisartuni ilaasortaq Ole Thorleifsen (Siumut), siulittaasoq  
Inatsisartuni ilaasortaq Aqqalukasik Kanuthsen (Inuit Ataqtigiit), siulittaasup tullia  
Inatsisartuni ilaasortaq Isak Davidsen (Siumut)  
Inatsisartuni ilaasortaq Jakob Sivertsen (Atassut) sinniisussaq  
Inatsisartuni ilaasortaq Per Skaaning (Demokraatit)

Inatsisartut ataatsimiititaliaasa UKA 2003-mi siullermeerinerup kingorna siunnersuutit nassuiaataat ilanngullugit misissorpaat.

UKA 2003/173-imi tupanit nioqputissianik eqqussuinnermut akitsuut 14.07 pct-mik qaffanneqassasoq siunnersuutigineqarpoq. Matumani pineqarput sikaritsinut, imusivissanut, sikaanut, sikaavaqqanut cigarillonut tapanullu allanut akitsuutit.

Siunnersuutip akuersissutigineqarnissaa sioqqullugu sikaritsinut 20-inik imalinnut akitsuut 33,20 kr.-iuvoq. Siunnersuutip akuersissutigineratigut akitsuut 37,80 kr. – inut qaffassaaq. Tamanna 4,60 kr.-imik qaffaaneruvoq.

Siunnersuut ukiumut 25 mio. kr.-inik isertitaqarnerulernermik kinguneqassasoq naatsorsuutigineqarpoq, taakkulu 2004-mi aningaasanut inatsisissatut siunnersuummi kontomi pingaarnermi 20.11.60-imi, missingersuutitut iluarsiiisutitut tunngasumi, ilanngullugit naatsorsuunneqarput. 2003-mi 1,5 mio. kr.-inik isertitaqarnerusoqarnissaa naatsorsuutigineqarpoq.

UKA 2003/172-mi aningaasanik ikisilluni pinnguaatit pissarsissutigineqarsinnaasut akileraarutaasa 9 pct.-imik qaffanneqarnissaat siunnersuutigineqarpoq, taamaalillunilu suliffeqarfinni ataasiakkaani aningaasanik ikisilluni pinnguaatit qassiuneri apeqqutaatillugu akitsuut ukiumut 59.000 aamma 71.000 kr.-it akornanni annertussuseqassalluni.

Aammattaaq aningaasanik ikisilluni pinnguaatit – tassa pinnguaatit pissarsissutaasinnaangitsut - 9 pct.-imik qaffanneqarnissaat siunnersuutigineqarpoq, taamaalillunilu taakkununga akileraarut ukiumut 5.460 aamma 7.630 kr.-it akornanni annertussuseqassalluni.

Ukiumi aningaasanut inatsisip atuuffiani 2004-mi ukiunilu missingersuusiorfinni siunnersuut 1 mio. kr.-inik isertitaqarnerussutaassasoq naatsorsuutigineqarpoq. Aningaasat 2004-mi aningaasanut inatsisissatut siunnersuummi

saqqummiunneqartumi kontomi pingaarnermi 20.11.60-imi, missingersuutitut iluarsiiissutitut tunngasumi, ilanngullugit naatsorsuunneqarput.

Aningaasanik ikisilluni pinnguaatinik siunnersuummi taaneqartunik piginnittut isertitanik akileraaruteqaataasussanik naatsorsuinerminni aningaasanik ikisilluni pinnguaatinut akitsuut ilanngaatigisinnaammassuk, kommunit ataatsimut isigalugit isertitassaraluaminnik ukiumut annerpaamik 275.000-it missaannittussatut naatsorsuutigineqartunik annaasaqarnissaannik siunnersuut kinguneqassaaq. Landskarsip taamatut annaasassai 111.000 kr.-it missaanniittussatut naatsorsuutigineqarput.

Kiisalu UKA 2003/171-imi qamutit motorillit immikkoortut pingasut aammalu motorcykelit ukiumut akileraarutaasa ulloq 1. januar 2004 aallarnerfigalugu 22 pct.-imik qaffanneqarnissaat siunnersuutigineqarpoq.

Siunnersuutip akuersissutigineqarneratigut ukiumoortumik akileraarutit ima allannguuteqas- sapput:

Qamutit motorullit 900 kg.-t tikillugit oqimaassusillit 4.884 kr.-iniit 5.958 kr.-inut qaffassapput.

Qamutit motorullit 901 kg.-niit 1.500 kg.-t tikillugit oqimaassusillit 6.864 kr.-iniit 8.374 kr.-inut qaffassapput.

Qamutit motorullit 1.500 kg.-t qaangerlugit oqimaassusillit 8.976 kr.-iniit 10.950 kr.-inut qaffassapput.

Motorcykelit 2.640 kr.-iniit 3.220 kr.-inut qaffassapput.

Siunnersuutip Landskarsimut 2004-mi ukiunilu missingersuusiorfinni ukiumut 7 mio. kr.-inik isertitaqaataanerunissaa naatsorsuutigineqarpoq. Aningaasat 2004-mi aningaasanut inatsisissatut siunnersuummi saqqummiunneqartumi kontomi pingaarnermi 20.11.60-imi, missingersuutitut iluarsiiissutitut tunngasumi, ilanngullugit naatsorsuunneqarput.

Ataatsimut isigalugu siunnersuutit taakku pingasut Landskarsimut 2004-mi ukiunilu missingersuusiorfinni 33 mio. kr.-inik isertitaqaataanissaat Naalakkersuisunit naatsorsuutigineqarpoq. Aningaasat 2004-mi aningaasanut inatsisissatut siunnersuummi saqqummiunneqartumi kontomi pingaarnermi 20.11.60-imi, missingersuutitut iluarsiiissutitut tunngasumi, ilanngullugit naatsorsuunneqarput.

**Ataatsimiitaliani amerlanerussuteqartut**, tassaasut Inuit Ataqtigiinnit Siumumillu ilaasortat, siunnersuut pillugu ima oqaaseqaateqarumapput:

Naalackersuisut inassuteqaataat Inuit Ataqtigiinnit Siumumilu ilaasortat tusaatissatut tiguaat.

Inatsisissanut siunnersuutikkut Landskarsip isertitaasa amerlineqarnissaat siunertaavoq. Aningaasanut inatsisissatut siunnersuummi kontop pingaanerup 20.11.60-ip, missingersuutitut iluarsissutitut tunngasup, piviusunnigortinneqarnissaanut ataatsimoortumik "aningaasalersuutitut" siunnersuutit isigineqassapput.

Akitsuutit qaffaassutissatut siunnersuutigineqartut aningaasanut inatsimmi anguniakkanut sanilliullugit pisariaqarlutillu naammaginatutut partiit pineqartut marluk ilaasortaannit isigineqarput, taamaattumillu taarserneqartariaqartut isigineqartariaqarlutik.

**Tamanna tunngavigalugu siunnersuutit Inatsisartunit akuersissutigineqarnissaat Inuit Ataqtigiit Siumullu inassutigaat.**

**Ataatsimiitaliani ikinnerussuteqartut**, tassaasut Demokraatit ilaasortat, siunnersuut pillugu ima oqaaseqaateqarumapput:

Siunnersuutit saqqummiunneqartut Demokraatit ilaasortaannit taparserneqanngillat.

Akileraarutitigut artukkiinerup ataatsimut isigalugu annertusineqarnissaa Demokraatit aklerlaat, siunnersuutimmi taaneqartut pingasut Inatsisartunit akuersissutigineqarpata tamanna kingunerissammagu. Akileraarutit maanna annertussusaat pissusissamisoorpoq qaffanneqartariaqaranilu.

Demokraatit isumaat malillugu, inuiaqtigiit akitsuutit nutaanik pissusaaffilernagit, Naalackersuisut sipaarutissaqqissunik nassaarniartariaqaraluarput. Tassunga atatillugu Ilimmarfiup pilersinneqarnissaata kinguartinneqarnera sipaaruteqarfissaqqikkaluarpoq.

Tamatuma saniatigut nioqqutissanik eqqussuinnermi akitsuutit, akitsuutit qaffaanermi annertunerpaamik qaffavigineqartut, pissakinnerusunik eqquinnissaasat Demokraatinut pingaaruteqarpoq tikkuassallugu. Naak tupanik nioqqutissiat Kalaallit Nunaanni akii nunarsuarmi qaffasinnerpaanut ilaagaluartut, tamanna tupanik atuinnermut kissaatigineqartut sunniuteqarsimangilaq. Tupanik atuineq – piffisap sivikitsuinnaap qaangiunnerani – akitsuutit akuersissutiginninnginnermi annertussutimisut annertusseqaleqqissasoq naatsorsuutigineqarsinnaammat, minnerunngitsumik inuiaqtigiinni isertitakinnerusut aningaasaqarnikkut atugaasa ajorseriarnerannik akitsuutit kinguneqassapput.

Naggataatigut Demokraatit oqaatigiumavaat neqit nioqqusiat ullumikkut eqqussorneqartut amerlaqisut eqqussorneqarnerinut akitsuusiivigineqartussaataasut. Akitsuutit taamaattut EU-mit tapiissutinik pissarsissutigiumallugit qangaanersoq akitsuusiissutaapput. EU-milli tapiissutit taakku ullumikkut atorunnaarsimapput, akitsuutinillu nutaanik eqqussinissaq eqqarsaatigineqalertinnagu, taakku peerneqarnissaannik Naalakkersuisut isumaliutiginninnissinnaapput.

Taamaattumik siunnersuutit Inatsisartunit itigartitsissutigineqarnissaat Demokraatit inassutigaat.

-

**Ataatsimiitaliani ikinnerussuteqartut**, tassaasut Atassummi ilaasortat, siunnersuut pillugu ima oqaaseqaateqarumapput:

Naalakkersuisooqatigiit pilersaarutaasa aningaasartuuteqarnissamik pisariaqartitsiffiusut qamutit motoorillit akileraarutaasa, aningaasanik ikisilluni pinnguaatinut akileraarutit kiisalu nioqutissanik eqqussuinermit akitsuutit qaffaaviginerisigut aningaasalersorneqarnissaannik Naalakkersuisut toqqaanerat Atassummi ilaasortat akerleraat.

Aningaasat pisariaqartinneqartut immikkoortuni allani taartit sipaaruteqarnikkut nassaarinarneqarnissaannik Naalakkersuisut sulissutiginninnissaat Atassummit pingaartinneqarpoq.

Akitsuutinik qaffaaneq periarfissatut kingullerpaatut taamaallaat Naalakkersuisunit atorneqartariaqarpoq, akitsuutimmi akitsuutinillu qaffanerit aningaasaqarnermik patajaatsumik attanneqarsinnaasumillu aqutsineq taarsersinnaanngimmassuk.

Atassut isumaqarpoq akitsuutinik aalajangersimasunik qaffaanerit aningaasaqarnermik "aaqqiiniapalaaginnarnertut", Naalakkersuisut – susassaqarfinni arlalinni – isumaliutersuutigilluagaanngitsumik tullerriiarineranni aningaasalersuutissatut isigineqartariaqartut.

Taamaattumik siunnersuutit Inatsisartunit itigartitsissutigineqarnissaat Atassutip inassutigaa.

Tamanna tunngavigalugu **Ataatsimiitaliani amerlanerussuteqartut siuliani taaneqartut** siunnersuutip Inatsisartunit akuersissutigineqarnissaa inassutigaat.

Taama oqaaseqarlutik ataatsimiitaliat siunnersuutit aappassaaniigassanngortippaat.

Inatsisartut Akileraartarnermut  
Akitsuusiisarnermullu  
Ataatsimiititaliaat sinnerlugu:

Isak Davidsen (S), Siulittaasoq

Agathe Fontain (IA)

Jensine Bertelsen (A)

Palle Christiansen (D)

Ole Thorleifsen (S)

Inatsisartut Aningaasaqarnermut  
Ataatsimiititaliaat sinnerlugu:

Ole Thorleifsen (S), Siulittaasoq

Aqqalukasik Kanuthsen (IA)

Isak Davidsen (S)

Augusta Salling(A)

Per Skaaning (D)